


't Kerkje van Ellesdiek



Oecumenische bieeênkomst
26 meie 2013

“Wiesder weze! Oe bedoel je?”



Uutleg bie de tēkenienge.

“Wiesder weze! Oe bedoel je?”

Uulig kieke.

Wat bin je toch een stommen uul!

Dat bin uutdrukkiengen die a me wè kenne. Toch is den uul het “symbool van wijsheid”.

En wiesder weze, dat wille me aollemille wè. Mè oe?

Vanmirreg ope me wat wiesder te worren.

Jopie Minnaard.

Liturgie Ellesdiek 26 meie 2013

Thema: “Wiesder weze! Oe bedoel je?”

Urgelmuziek (Ko de Visser)

Welkom (Fetsje Bouman)

(me gae stae)

Zienge:

Psalm 19 vers 1 en 3

1.

Den emel geef God eêr',
't uutspansel keêr op keêr,
ze spreke van Zien and.
A zei den dag gin woord,
a 't ochendlicht wee gloort,
krieg t'n een gouwe rand.
Nacht zeit et tegen nacht:
doenker ferweêle pracht,
ik zie in joe Gods glorie!
Ok zonder taal of mond
gaet et de wêreld rond,
't verhaal van Gods victorie.

3.

Gods wet die is volmaekt,
die maek je vrie, verkwikt:
je ziele kom wee bie.
Gods woorden die bin goed,
en aol die a ze doet
wor as 'n kind zò blie.
Wies' eid, ei God 'ezeid,
is voe je wig 'eleid
ze zà je voeten richte.
Gods woord dat is rechtuut,
en zuver Zien besluit,
je 'n oôgen zù oplichte.

Durpelgebed (Wim de Koeijer)

(me gae zitte)

Een stuitje stille weze as voorbereidieng op 't kyrielied.

Annie Zuidweg en Rianna Aupperlee

Kyrie

Lezieng Spreuken 8: 12 – 21 (Corry Verburg)

Zieng De wèrld was nog nie 'emaekt vers 1 en 2

1. De wèrld was nog nie 'emaekt
en niks ao vaste grond,
d'r was gin zunne en gin maen',
gin sterr' of zeê bestong.
2. De wèrld lag in't duuster, twint
was t'r bie God a licht:
de wies'eid speelden as Gods kind
blie voe Zien angezicht.

Lezieng Spreuken 8: 22 - 31

Zieng De wèrld was nog nie 'emaekt vers 3 en 4

3. Ze komt ok nae de mènsen toe,
deêlt uut van wat a z'eit,
verlicht de geêst, verruumt et art'
geeft aesem an wie leeft.

4. Die dost eit, kriegt een beker vol,
die oenger eit, krieg broôd.
Wan overvloed en gin gebrek
voorkom geweld en doôd.

Lezieng

Jakobus 3: 13 – 18 (Rie van Kleunen)

Zienge

De wèrld was nog nie ‘emaekt vers 5 en 6

5. Eên die mae voe z’n eigen leeft,
die goed mie kwaed vergeldt,
verrinneweert aol dat a leeft
a liefde nie mî telt.
6. Mae a je van Gods wies’eid leêrt
dan tuun je’t kwaed wè of.
Dan krieg j’ een leven, ruum en locht’:
zò a God et bedocht.

Overdienkieng

Annie en Rianne

Laudate omnes gentes/ Pries ieder volk den Eêre

Aollemille

Pries ieder volk den Eêre,
Pries aol Zien grôte naem.
Pries ieder volk den Eêre,
Pries aol Zien grôte naem. (4 X)

Voorbeden

(Dirkje van Fraassen)

Ônze Vaoder

Ônze Vaoder in den emel
laèt joe naem vereêrd worre,
laèt joe koninkriek komme
laèt wat a jie wil gebeure,
op aerde, net as in den emel.

Geef ôns vandaeg 't broôd dat a me nôdig è,
en vergeef ôns ônze schuld,
net as ôns ok an are mènsen d'r schuld vergeve.
En stel ôns nie op de proef,
mae ouw aol 't slechte van ôns wig.
Wan joe koninkriek,
en de kracht en de pracht,
is eêuwig voe eêuwig.
Amen.

Annie en Rianne

O vriend'lijk licht, voer Jie mien deur de nacht

1.

*O vriend'lijk licht, voer Jie mien deur de nacht,
wies mien de pad
deur 't aerdedoeker en deur duust're macht,
wies mien de pad.
Op Joe vertrouw ik, op joe lieve licht
'ouw ik m'n oôgen levenslang 'ericht.*

2.

*O vlammend licht, verworm mien onderweg,
wies mien de pad.
En a 'k misgae, brieng mien dan wee terecht',
wies mien de pad.
Schien, a 'k benauwd bin, elder en vol vier.
Schien, bron van licht, ok in mien leven 'ier.*

3.

*O vriend'lijk licht, schien Jie in ons bestaen
wies mien de pad.
Me worre moe, toet a m' in 't licht gae stae,
wies mien de pad.
Pas op den ochend van de jongsten dag
zie m' in wat a joe vriend'lijk licht vermag.*

Collecte

D'n eêsten is voe de Wilde Ganzen en de twidden
voe de onkosten van de bieeênkomst.
In april was de opbriengst voe de Wilde Ganzen
165,25 euro en voe 't Kerkje 149 euro

Zienge

Gezang 326: vers 1 en 2

1. Joe woord is wies en rieke,
dat is ôns aolles waerd.
Mie niks te vergelieken,
een groate schat op aerd'.
Voe onderweg een licht:
de lampe van ôns leven!
In 't licht van Joe gezicht –
dae glad deuréeen geweve –
worre me opgericht.

2. God opent 'art en ôren,
zodâ m'n in 't geloôf
z'n stemme zulle ôre
vô and're stemmen doôf.
Gods woord zet mènsen an
om zonder te mankeren
mit 'Em op pad te gaen,
z'n grote naem te eren
achter de Heiland an.

(me gae stae)

Zegen

(me gae zitte)

Annie en Rianne Herr deine Güte reicht so weit

Slotwoord

De bieeênkomst is te beluisteren op www.ellesdiek.nl onder de knop

Oecumene.

Ok kan je di de liturgie bekieke.